


肥鄉縣志



序

邑之有志所以昭信而傳遠凡建置
沿革山川經界田賦戶口吏治風俗
人物文章皆得以書誠鉅典也歲在
壬子余奉

命巡察畿南三郡行部至廣平府屬肥鄉
序

縣入其境沃壤平衍覘其俗醇以厚
重有間紳士父老伏謁車前咸稱王
邑宰善政蕃多功業懋著我肥邑自
康熙四年漳水衝城官署移於舊店
營民舍 題奉 部議俟水涸後仍
令地方官設法修復上年興工今已



落成民甚便之敢告語畢以次退抵
其邑闕城廨倉庾行館宏壯備具謁
文廟見殿廡巍煥丹雘燦然進諸生宣
講
聖諭暨大義覺迷錄環堵而聽者熙熙皞
皞由是益知

序

聖朝教澤之深得人之盛若此惟志尚未
輯恐無以垂後繼而王君果以志告
成請余爲序余奚能辭夫俊偉卓越
之才多乘時而輦出興廢舉墜之事
必待人而後行肥治經水之後漠然
於荒烟蔓草中幾七十年歷官斯土

者豈無計及而因陋就簡遷延以至
今乎王君蒞治詢謀僉同毅然爲之
戒畚鍤均勞逸百堵皆作量事期慮
財用跋翼壘飛不勞而集以約而堅
超前軼後是誠不可不爲之特書也
詳載諸志足以昭信而傳遠宜也抑

序

三

余更有慕焉余家世居洛程夫子以
理學名儒出倅澶淵講學造士開水
田以利民生教澤之遺至今士庶猶
沐其德於不衰肥邑距澶州百里許
今王君蒞茲七百度維新方之吾鄉
程子安在古今人之不相及耶遷考

是邑人物如李文靖之相業竇文正
之經術彪炳史冊皎同日月矣王若
以名宦列叙其次庶幾並光邑乘也
後之官斯土者亦將有感而興起也

皆

雍正十年歲次壬子清秋

序

四

賜進士出身翰林院檢討

欽差巡察順廣大三府等處地方山東道
監察御史協理山西道察院紀錄二
次洛陽李學裕撰



修志姓氏

總裁

欽差察順德廣各三府等處地方東道監察御史鹽山曹察院紀錄次李學裕餘三濟陽人丁未進士

重修

肥鄉縣知縣署理廣平清軍鹽法總捕府加三級王建中懋卷錦川人甲辰進士

刪正

肥鄉縣儒學教諭賈廷梅汝和武強人舉人

訓導趙時傑奇明海城人貢生

督刊

肥鄉縣志

卷之

肥鄉縣典史鮑守德唐卷錢塘人貢生

編纂

生員程囊宋錦煥若

叅訂

生員李爾琮蒼壁

監生張抱琦璋公

生員玉季冬盡四宋建業熙載

抄錄

生員張義裕子諭

舊志纂修姓氏

初刻明嘉靖十七年戊戌纂

知縣臨川鄒公理

邑人蔣良金 郭 鄒 喬 年

蔣良寶

二刻明嘉靖四十年辛酉纂

知縣平原商公誥

邑人梁 桐 郭崇嗣 杜 栢

李時芬 李天爵 張思忠

肥鄉縣志

卷之一

二

三刻明萬曆十八年庚寅纂

知縣鄱陽蘇公靖

邑人張承祚 郭 檟 張鳳苞

梁 遜 李愈達

四刻

皇清康熙二年癸卯纂

知縣泌陽焦公服祖

邑人賀應旌 賀應旂 張祖岱

郭鳳翱 李貞吉

五刻康熙四十九年庚寅纂

知縣開原許公國棟

邑人李載張瑞生李梅

邑屢遭漳水板既漂沒書亦散亡故家遺室鮮
有存者即間有殘篇斷簡皆模糊甌脫不可辨
其年月姓氏僅得錄傳於左用不敢忘首事之
功亦聊以開後起之志薪續燈傳此道不致墮
落其於一邑聲教風化相助爲理豈曰小補

舊志序畧

鄒公理曰今之志古之史也叙事紀物或類辨互考
往例後匪志罔具地理無志山川之區域風俗之趨
向無從稽矣建置無志公署之品列郵梁之次第無
所辨矣學校無志士無定習而教化不宣矣田賦無
志歲出不經而征或橫暴矣祠祀無志鬼神察饗而
民或誦黷矣職官無志勸鑒之道湮矣人物無志淑
慝之實紊矣選舉無志賢俊罔昭而士不知激矣古
蹟藝文無志地之勝槩民而士之精華爵矣茲非縣

肥鄉縣志

卷之一

四

之缺典而吾有司之責歟顧踈庸蒞官酬應期會日
不暇給成吾事者其惟諸士大夫乎遂以托諸蔣君
聲之郭君子京喬君如松蔣君善之越明年戊戌夏
五月朔秩始成嗚呼志也者識也識以脩觀觀以彰
教教以風遠文實兼脩謂之精實不稱文謂之誣文
不稱實謂之僻精固可以觀可以教可以風矣苟誣
焉僻焉與觀教風乎何有○邑人郭鄙曰肥鄉或以
此為蔡臯狼地或以趙陵為平原君塚或又以周處
三害為本縣忠烈考之史記與大明一統志皆未可

盡信闕之可也。○商公誥曰：天下名山大川，分隔疆域，而所生之人，各得其山川風土之氣，故剛柔緩急之性，因方而殊。以古趙之國言之，南視大河，西倚太行，規模氣勢，鎮重踈遠。其人之所稟論者，謂其慷慨悲歌，慕義疆仁，舊矣。肥鄉趙城也。予涖官茲土，旋以公事徧歷鄉野，見其民之質朴而不浮，坦率而尚氣。古人之遺風，猶存焉。勃然有因俗化導之心，訪其故與時事，皆茫茫乎不能言其槩，乃竊悼之。夫爲政者，欲撫其民，集其事，鼓其風教，必先於統御之所及者。

肥鄉縣志

卷之一

五

使凡成規體要，各喻於心，然後區處條理，不相違背。上便於施下，便於守，所爲而成，所謀而遂。宰官守郡，領藩相國，其理一也。然則邑志之修，固可緩乎前尹臨川鄒君亦嘗修之，歲久事更難相沿也。乃延數良士，館諸公，所給其資用，遠稽近考，萃爲此書。一縣之中，數百年之事，繁然如指諸掌，雖弛張斷如權衡，度量稱較，百物化裁，以盡變者，固不專繫於此。而其故典時事，定法定守，達於上下，於予因俗化導之心，亦庶幾有所助矣。抑予猶有說焉：邑之封域，絕長補

短芻六十里其地以頃計之僅三千四百頃其民以
丁計之僅三萬五千丁歲之所出租稅工食之類用
銀無慮四萬兩而奇差冗費不與焉民兵皂隸之屬
應役無慮二千人而里書保甲不與焉所餘之財方
得以給其私所餘之力方得以營其家雖大熟之年
其用不豐而況於中熟下熟也哉而況於災變相仍
也哉則恤其困苦而保育撫綏之者不能不戚戚於
心矣此予之所深感而兼有望於繼茲任者也爲吾
民者其亦以勤儉而自勵乎○廣公靖曰邑制之沿
肥鄉縣志

卷之一

革風俗之靡偷政事之興廢則前序已載之矣勸懲
乎善惡維持乎民風進退乎吏治之臧否足以淑人
心昭永鑑則大司馬張公序又脩言之矣抑余竊有
說焉孔子云君子學道則愛人苟爲宰者一民一物
痛癢相關真如慈母保赤子是真能學道者也是真
能愛人者也不則剥民設上媒進榮家縱博一遊蹟
其於孔子之訓遠矣余令肥三載無善狀願念舍學
道則無善學舍愛人則無善治舍聖訓則無善師敢
以此望之將來之君子并質諸邑之賢士大夫云○

邑人張學顏曰余惟國家肇武四海英廟正統五年
命儒臣纂修一統志已載在秘府後諸守臣又將諸
造及各省郡邑自爲一志煙火萬里遠近分合犁然
如指諸掌自三代後輿圖廣大未有如今日之盛者
然先朝吏治舉士風正民生安二百餘年設官取士
如故議者每言今不逮昔則分野分疆考實在志而
經綸輔相在人可知矣官茲土者宜朝廷德意體閭
閻休戚預遠苞苴力絕關節以息信撫民以禮法待
士政權無旁落胥史無上侵田賦必清無容詭冒經

肥鄉縣志

卷之一

七

費必正無溢額供刑罰必當催科必時積儲廩庫足
備歲凶慎防城櫓足消萌釁俾居者悅徙者遷不善
者化爲善者安是志即官之箴也產茲土者父子慈
孝相依兄弟友恭相與朋友德業相勸夫婦和敬相
成處鄉法謙謙君子出仕效蹇蹇王臣勿挾勢力虐
孤微勿逞巧詐陷烝獨無爭訟以叢殃無淫朋以敗
俗尊卑貴賤循分親疎長幼守法是志即家之範也
若不奮發興起以自外於良吏良民志何益於邑哉
○焦公服祖曰志與史同科古有史無志黃帝立倉

頡爲左史沮誦爲右史周有內史外史大小史之屬
不聞以志也孔子作春秋凡會盟征伐日食星隕蝓
蟻無冰之類無不悉書則聖人垂世大經實爲後代
作志之祖迨班固變八表爲十志而志遂與史並重
矣王通訊史遷之失謂其紀煩而志寡陳壽三國未
愜輿望則志誠有難言者哉肥志遠不可攷在明始
於鄒公理蕪商二公相繼修補尚多脫誤夫寰宇之
內名山大川神臯奧區不可勝數其以肥稱者如衛
詩之肥泉因水獲名春秋之肥子國因氏獲名廣武
肥鄉縣志

卷之一

八

之肥舊志戰國肥義傅趙惠文王而死其難後人嘉
其烈因名其地曰肥鄉然竹書紀年於梁惠王八年
已言伐邯鄲取肥矣是肥之名其來已久豈至魏黃
初時始立哉余作牧三年日逐逐於簿書愧乏子長
孟堅之學暇時與邑中仁賢較論今古念肥自壬戌
漳水沉城後井幹漂沒典冊淪喪未嘗不嘆七十年
間無人起而任厥事者矧代變時更忠義節孝不乏
鵲起有月且已彰而董狐未載有輿論已符而俎豆
未列皆長吏責也又位邇來河伯洲泮環堤布野漫

城灌郭勞勞疏塞宵旦無寧晷有志未伸幾同道旁
築室茲承許臬司大人意首篤尚史事乃延邑紳賀
公懷菴偕一二同志效殷周採彼家人法梁益詢諸
故老廣蒐博訪彙輯成篇擴前志所未備爲古闡幽
芳爲今存直道至瓌逸難錄復作志餘百種以附簡
末昔王子年有拾遺葛稚川有雜紀不妨細收也後
之生斯土者或景旋馬高風或慕食客雅志或流連
孝子之壙鬚眉欲生或憑甲貞女之墓指髮欲動其
人往其音留固赫赫若前日事也余方嚴加檢較鳩

肥鄉縣志

卷之一

功授剖劄客有難之者曰國家肇域四海無此疆彼
界之殊自有大匠操斲哀聚九有全書奚一商之足
嗜余應之曰泰山不讓土壤故能成其高江河不擇
細流故能成其大隋經籍志曰西漢之時天下記書
先上太史及光武復詔南陽撰作風俗故沛三輔有
耆舊節士之序魯廬江有名德先賢之贊斯皆郡國
之書並爲纂述之助傳云善志不言誰知其志是役
也非敢藉手以垂不朽夫亦畧存其槩以當畢股之
附耳云

訪志檄文

邑人賀應旌著

竊惟志者繫文獻之總歸稱左狐之別體分疆畫域
國有春秋紀事編年人標月旦豈徒侈此邦之勝槩
供永日之卧遊已哉凡以驗風俗考形勢鏡得失昭
勸懲用世者酌乎古斯準乎今憂民者披其圖如履
其境節廉忠孝感物斯興禮樂兵農隨時可布人心
嘉賴世道攸關况我肥鄉古稱望縣星分鼎畢之墟
人吐燕趙之氣山連葛藜忠臣面貌如生城枕浮丘
公子岡壠可眺李文靖爲宋朝之真聖人竇漢卿實

肥鄉縣志

卷之一

十

元代之古君子橋梁廬舍居然常令花封旗幟犁鋤
髣髴劉侯桑野人文接武吏治聯翩在冀北雖屬偏
方於畿南實爲勝地無柰陽侯肆虐城社頻傾典籍
與之銷沉老成因而隕謝問百年來之人物寥如晨
星攷歷代後之文章飄同斷梗因革損益咨訪何從
治亂興衰徵求安在况易代紛更之初正傳聞益舛
之日逮今不網羅舊文蚤圖蒐輯而日月如流草木
易腐致令撫臺山邯水之風流無從寫慷慨悲歌之
生面人樂因循貞將誰屬不佞生於斯長於斯素爲

邪許之唱而見異辭聞異辭豈乏聲求之應况邑中
之高明固多而一人之耳目有限特署楮侯以代咨
訪倘或家藏名宦先賢之藝文孝子節義之事實祖
父歷官之顯績耆碩聞見之災祥勿曰事細無補綱
常勿曰談鄙無裨治化勿曰匹夫小善不掛名賢勿
曰教外別傳不關至極蕪收並蓄積土成丘彙種分
門學川至海勒成一邑之完書用垂千秋之炯鑒他
日貢之太史懸之國門豈惟勝事不致無聞抑亦人
心有裨勸戒附青雲而垂不朽是所望於象賢之子
墨布告同人撫賞傾囊俯首聽命

肥鄉縣志

目錄

卷之一

圖考

沿革

星野

疆域

山川

城池

分署

學校

壇廟

寺觀

賦役

田賦

社屯

馬政

卷之二

物產

風俗

災祥

事紀

古蹟

塚墓

典禮

封建

肥鄉縣志

秩官

卷之三

名宦

攝篆附

辟舉

辟薦

孝廉

進士

舉人

武舉

吏員附

人物

孝子

列女

隱逸

流寓

仙釋

卷之四

藝文上

疏

對

賦

書

記

議